

左恪靖侯奏稿續編

恪靖奏稿續編卷三十一目錄

攻破賊巢擒斬首要各逆會剿金積老巢摺

南路官軍克復渭源狄道兩城並平佛蘭堅堡摺

請將放天印暫行留營效力片

收撫回民安插耕墾片

洮州等處官軍連勝片

陳湜到營委總理營務片

北路官軍連克繁壘大獲勝仗摺

中路官軍奪取峽口大勝摺

請

飭部議酌皖甘捐局分省辦理片

攻破賊巢擒斬首要各逆會勦金積老巢摺

奏爲北路中路官軍攻破賊巢擒斬首要各逆見正會  
勦金積老巢恭摺馳陳仰祈

聖鑒事竊靈州諸回巢穴以金積吳忠兩堡爲最著實  
則自靈州城迤西數十里秦漢兩渠閒堡寨共四百有  
奇近吳忠者呼爲吳忠近金積者呼爲金積垣厚塹深  
樓堞相望非止兩堡也除官軍前後攻破堡寨百數十  
所外逆回畏勦紛竄有棄堡寨歸併各大堡者有棄堡  
寨歸併馬化澂所踞各堡者所遺各廢堡官軍擇其地

居衝要者據之不當衝要者毀之統計金積吳忠各堡寨尚爲賊踞者不過三十餘所而已馬化澂父子及首逆穆生花屢次乞撫不得遂喊老弱回民赴劉錦棠金運昌軍前乞就板橋琴橋吳忠一帶廢堡暫架棚厰居住以便耕作計官軍憐而許之爲漸圖復踞張本劉錦棠黃萬友會商姑漫應之五月十八日靈州中路首逆王洪又請修秦渠之隄放水蔭田劉錦棠知其意在奪下橋永甯洞十九日回民百餘試來修隄劉錦棠金運昌飭官軍勿動二十日五鼓率隊分三枝一伏永甯洞

一伏下橋一伏渠北伺之候至巳初王洪楊明王忠等  
果糾靈州四門三路及胡家堡大小回目帶壯丁數百  
名齊來修隄比抵永甯洞下橋中間伏兵突起生擒王  
洪及逆回二百餘名斬之餘悉殲除無一脫者訊據活  
賊金海鼂供稱犯本四川勇丁投入賊營多年王洪派  
充保全營百長此次王洪留兄王鵬守寨所有大頭目  
楊明王忠偽參領楊添獸白珠強馬學吉楊天瀧楊洗  
友偽先鋒王芳馬英楊珠秀偽百長楊天海王十倫王  
序王馬文英楊自喜馬仲楊友郭其海黃添順趙裕年

金元馬佐朝等謀以官軍中計圖趁此奪回永甯洞下  
橋與板橋琴橋各廢堡及棗園堡聯絡一氣便將官軍  
截爲兩段不料翻中官軍計中訊畢斬之察看波浪湖  
水勢甚漲永甯洞既經官軍堵塞吳出堡以南一片汪  
洋馬八條馬七兩堅寨牆根均被積水浸透劉錦棠金  
運昌會商乘漲攻之二十一夜三更劉錦棠率隊晝水  
攻馬八條寨金運昌率隊晝水攻馬七寨五鼓克之計  
共斃賊七百餘名生擒四十餘名奪獲騾馬牛羊器械  
無算據生擒賊供馬七馬八條均馬化滌之弟四月初

旬已逃入金積此股係陝回馬生彥之夥黨上年馬生  
彥竄河州此股經官軍截斷折回金積堡向馬化澂乞  
糧馬化澂給糧每人日三合派守兩寨至是寨破悉被  
擒斬此劉錦棠金運昌五月內攻破堡寨擒斬首要各  
逆情形也王洪楊明兩逆既伏誅餘黨猶踞堡寨招陝  
回之乏食者助其拒守而中路胡家堡洋麻湖海子墩  
大沙井一帶所種之麥穗遍野計十日內外可以收割  
劉錦棠料賊不待麥熟卽將搶收以圖少延喘息六月  
初七日約金運昌馬步各隊沿秦渠向楊明各寨進發



黎明行抵該處見各寨牲畜正出巢放草比飭記名提督余虎恩記名副都統雙壽副將郭宗儀率馬隊記名提督周雲祥譚上連率所部步隊橫出截之奪牲畜六七十頭立斃逆回數十名餘賊仍縮入堡內劉錦棠飭各營頓旗勿動縱勇丁長夫併力割麥午後收隊回營初八日五鼓各營仍出隊割中路之麥行抵王洪寨寨中步賊數百名騎賊百餘名倚寨排列以拒官軍回眾競出東門割麥官軍頓旗勿動俟其收割漸多仍令余虎恩雙壽率馬隊衝殺東門外之賊盡掠所獲擱載而

返是夜劉錦棠與金運昌雙壽會商進攻靈州西十里  
海子墩杜家寨初九日黎明行抵該處賊已憑牆列隊  
夾劉錦棠飭提督羅照升譚拔萃曾松明李雲貴四路  
偪攻提督周國勝尹興茂王秀根等七營列隊左右雙  
壽馬隊張兩翼以待官軍填濠架梯肉薄齊登賊甃石  
紛下前者帶傷後者繼進力攻時許南面賊始稍卻官  
軍猛騰而上立將杜家寨攻拔斬逆目杜舉及逆回五  
百餘名奪獲戰馬騾驢七十餘匹旗幟器械數百件毀  
其堡而還旋即隊向中路行至王洪寨南縱勇丁割麥

一面調靈州城內難民千餘隨同收割仍收隊回吳忠堡是役弁勇陣亡者八名受傷者六十七名初十日五鼓出隊收割胡家堡一帶之麥雙壽余虎恩領所部馬隊先沿秦渠而下天明見堡內各回已出卡門散布麥地馬隊縱橫衝殺斃賊二百餘名步軍踵至連破堡西南二卡斬逆口馬怪及逆眾二百餘名生擒七名奪獲戰馬騾驢槍械無數舉火焚卡仍分隊收麥而還是役也弁勇陣亡者六名受傷者十九名十二日劉錦棠率所部與金運昌雙壽馬步隊攻王紅連寨察看寨外禮

拜寺頂高與寨牆齊劉錦棠飭提督譚拔萃李雲貴軍  
功張俊於寺頂累土輒爲牆調槍礮手開槍向寨內轟  
擊飭提督朱德開軍功董福祥李雙良攻寨西北以分  
賊勢飭提督王承緒尹興茂王秀棣周雲祥余虎恩潘  
鳳翔譚上連郭宗儀等會同雙壽邊中路賊援布置定  
中軍鼓聲起各營內薄寨柵賊憑牆拒守鎗礮如雨官  
軍冒險拔寨填壕火器環施一面積薪焚燒寨門一面  
掘牆豎梯塞上木石紛下雜以火彈踰時弁勇帶傷者  
已數十名梯仍未豎劉錦棠飭寺頂各將士向寨內連

環施放槍礮并親督將士用長矛推倒牆上累砌礮垛寬約二丈許譚拔萃率壯士連豎三梯猱騰而上牆上短刃相接帶傷墜而復上者六七次寨內賊倒傾煮熟麥湯鍋盪齊下軍功張俊瞰由賊少處捲旗躍上各營壯士鼓勇齊登揮刃斫諸悍賊餘均拋械紛遁官軍奮威壓勦首逆王紅連伏誅餘匪一千二百餘悉戮殲旗奪獲馬騾驢牛二百餘頭鎗械五百餘件遂踏平王紅連大寨是役提督譚拔萃左肩受輒石傷李雲貴腿受矛傷員弁勇丁陣亡三十七名受傷者一百七十四名

蓋攻堅之難也十三日出隊抵下十里灘劉錦棠登高  
瞭見中路胡家堡海子整大沙井洋麻湖各回寨紛紛  
遷徙有向漢伯堡入金積堡者有向王洪楊明大寨竄  
走者比商同金運昌率所部馬隊分左右中三路截擊  
田胡家堡至王洪大寨斬獲甚多劉錦棠鳴金收隊稍  
憩片時鼓聲起復齊隊分途攻殺攻破王洪大寨外卡  
搜燒各廢堡所獲積麥而還是役計共斃陝西逆回千  
數百名奪獲牲畜數百鎗械無數劉錦棠黃萬友以中  
路麥禾收畢知官軍會剿金積啟行有期擬將中路一

帶所種藥粟高糧青苗一併割刈以絕賊糧十七日出  
隊洋麻湖正刈苗間忽見余虎恩馳報正南傍山一帶  
賊隊紛出劉錦棠立飭各營飛馬截剿比抵大山嘴斃  
殿後之賊約三百有奇生擒四十五名奪獲牲畜六十  
餘頭而賊之前隊已竄匿郭家寨據生擒賊供此起均  
係陝回并無頭目因乏糧已久圖由郭家寨入山繞出  
橫城渡河買糧訖畢斬之郭家寨在吳忠堡正南金積  
堡東南近時金積逆回赴河西通昌通貴兩堡取糧恆  
繞道於此十八日劉錦棠金運昌各率所部馬步分三

路攻郭家寨行抵寨前飭各營列隊猛攻寨外木柵已拔盡矣賊猶憑牆穩抗踰時不下劉錦棠周覽地勢見寨北兩三丈地有舊牆一堵少堪藏身遂令搬運土甃接砌橫牆使軍士於牆內向寨施放火器仍令各隊緊攻東西南三面以分賊勢劉錦棠金運昌潛派隊伍乘間下北面濠溝齊掘牆根良久牆土坍塌五丈許各營奮迅衝入遇賊卽斫寨首郭慎之投井溺斃寨賊八百餘悉數殲之官軍陣亡十餘名受傷者五十餘名十九日會攻王洪寨寨賊固匿不出各軍施放開花礮子百



餘類人聲鼎沸而守垛諸賊仍植立如故官軍以六成  
隊割刈青苗而還二十日仍向中路出隊行近王洪寨  
忽見寨東人語散漫爲數頗多余虎恩雙壽熊有常周  
雲祥譚上連郭宗儀等縱馬衝突賊悉竄匿廢堡中凭  
牆抵拒劉錦棠知各堡本馬艾退棄故址房屋均毀牆  
垣亦多坍塌賊不能踞也遂商金運昌磨隊圍之圍甫  
合賊併力齊衝各軍縱橫盪決霎時屍橫遍野斃賊六  
百餘名生擒三十一名據生賊供此起爲陝回首逆余  
彥祿之黨回目是楊幅因乏糧謀赴草地掠食不意猝

遇官軍截殺楊幅及此起回眾盡斃矣是役官軍陣亡者四名受傷者二十五名二十一日劉錦棠金運昌會攻吳忠堡北稍東八里大溝之馬宏寨破之斬寨首馬宏及餘賊三百有奇奪獲馬騾數十匹旂幟鎗械百數十件毀其堡而還二十二日出隊胡家堡以四成隊攻堡六成隊收割青苗開花礮子轟入寨中者數十賊雖驚亂困守如故二十三日出隊大沙井一帶收割青苗傍晚收隊此六月內北路各軍攻破堡寨擄斬首要各逆情形也由固原一路進攻金積堡以馬家河灣爲總

要以韋州堡爲開道臣飭諸軍北進會攻金積必先清  
馬家河灣以保運道必先扼韋州堡以扼賊衝一定之  
局也馬家河灣一帶回民管事頭目軍功監生馬忠海  
性本凶狡從前曾受馬化澂誠正王偽封自就撫以來  
陽順陰逆屢噬黨眾劫掠糧運軍裝餉銀嫁名陝回并  
藏匿河州逆回海澄李山珍等與馬化澂潛相勾結半  
角城防軍提督周紹濂詢其奸狀以告臣密飭周紹濂  
誘馬忠海赴平涼飛令副將銜參將馮桂增潛率所部  
馬步三營徑搗韓家水巢穴六月初五日臣提訊馬忠

海窮詰奸謀狡不承認徐出該逆所據鎮原民女王桂  
花兒等質之仍遲辯不已適馮桂增報稱六月初一日  
申刻馳抵韓家水布隊圍下中上東南西南五堡乘賊  
無備立將賊巢次第攻破生擒黨惡回日馬繼曾馬中  
虎金萬國金點爲馬勝長趙守法楊文光馬存先馬宗  
玉楊志元丁國英等十一名并河州逆回海濤一名五  
堡逆回三百餘名訊實巢予斬決搜出迭次搶劫軍裝  
帳房數百件據錄送馬存先供詞馬忠海迭次劫掠戕  
害弁勇行人及與金積河州陝西各回逆交通情事一

一確鑿并搜出逆信各件臣比嚴訊馬忠海無可狡賴當將該逆磔死傳首固原南北各處示眾續據馮桂增會同副將桂錫楨攻破馬忠海所管三埠夙沙及長流水各賊巢擒斬數十名餘賊悉遁其章州堡管事回目蘇光明本金積逆黨綽號小光棍曾授元帥偽職其姪蘇文榮亦號二元帥上年劉松山進兵時於近花馬池地方途遇章州行劫阿拉善旗歸巢逆回擒斬數百名訊生賊供知爲蘇光明所喉旋因官軍進剿遁出章州蘇光明乞撫因釋未誅嗣察蘇光明仍持兩端凡由金

積堡出竄之陝甘各回往返皆由韋州經過蘇兆明窩  
留屯紮供給資糧良回馬柏森以該逆蓄謀叵測爲言  
臣於中路進兵時先飭記名提督丁賢發率所部三營  
由半角賊進扼韋州令就便掩捕適探金積賊騎三四  
百匿該處堡中丁賢發奉檄卽行六月二十三日師抵  
韋州賊已聞風先遁丁賢發駐營堡外自帶親兵百人  
入駐堡中示賊不疑因密察逆黨蹤跡倖與約期議事  
七月初二日蘇兆明蘇文榮蘇韋阿渾海滿德僞百長  
蘇隆揚蘇漢馬正德金玉美何生雲王有泗蘇三甘昌

畢集丁賢發數其授撫後交通馬化澹及陝回馬正和  
崔三甘回謝四之罪斬之一面出示安撫回民令各安  
堵無恐積年之患已除此中路官軍攻破堡寨並斬擒  
首要各逆情形也通計自靈州迤西抵金積所有堡寨  
四百數十餘所迭經攻破平毀外僅存十一堡其白金  
積迤西各堡寨則隨地異名不如金積吳忠之稠密應  
由中路攻勦於勢方順馬家河灣韋州堡爲金積南路  
關鍵兩處旣得中路諸軍更可壹意進取臣已檄黃鼎  
曾同雷正綰總統中路諸軍與劉錦棠金運昌約期攻

勦大約中路先奪峽口要津則全局在握自當慎以圖之所有此次攻破堡寨二十有五諸將士奮勉用命謹當彙案請

獎以昭激勵其力戰陣亡之補用副將汪有餘補用游擊賀隆春潘祖勝楊景岱孫王貴游擊銜補用都司劉維美補用都司張光華黃聞禮姜兌友藍翎千總宋得元儘先千總王學成拔補千總孫九齡羅金榜藍翎把總宋雲書謝得祿拔補把總丁有元吳仁長羅澤安儘先把總李保懷張學成藍翎外委孫廷玉魏南華均應



仰懇

天恩飭部照所保官階從優議給

卹典以慰忠魂所有北路中路攻破堡寨殲斃首要各  
逆目多名大獲勝仗情形謹據實馳陳伏乞

皇太后

皇上聖鑒訓示施行謹

奏

同治九年七月十八日

南路官軍克復渭源狄道並牟佛諦堅堡摺

奏南路官軍進搗賊巢迭獲勝仗克復渭源狄道兩城

并牟佛諦堅堡見籌防剿情形恭摺馳陳仰祈

聖鑒事竊南路諸軍五月初二至十七等日節次剿賊  
獲勝大槩情形臣等已於六月初八日馳報嗣據周開  
錫稟稱陝回及河狄各回殘黨自四月內負創歸巢比  
檄各軍乘勝進取該逆偵知復糾黨出渭源而南紛擾  
鞏秦各境蓋圖牽綴官軍也周開錫飭記名提督涼州  
鎮總兵傅先宗由鞏昌前進飭河州鎮總兵王得勝提  
督彭忠國梅開泰道員湯聘珍所部繼之飭湯聘珍各  
營留守鞏昌飭提督楊世俊總兵田連考等由秦州出

伏羌防賊蹤繞出鞏昌後路北傳先宗進至丁家門賊  
眾已蔓及汪家衙王家河燒石灰溝矣五月初二日傳  
先宗令總兵蘇家良副將趙得禮率所部馬隊出王家  
溝口覘賊遇賊百餘敗之大股步賊忽峰擁而至勢殊  
驕甚傳先宗整隊迎敵王得勝彭忠國率所部沿丁家  
門溝內蛇行出賊後拊其背兩路抄擊賊眾大潰刺斃  
蟲蛇墜斃者七八百名初四日賊越燒石灰溝趨新寺  
鎮王得勝彭忠國移軍王家河斷賊歸路傳先宗直指  
新寺遇賊下川地方令四品銜守備何建威率所部精

銳五營奮威衝殺自督所部步隊居後相機策應令馬  
隊斜出賊陣左右把總張照海千總王王麟守備安定  
國等執旂猛進鎗礮環轟提督丁桂智總兵王銘忠副  
將王應順躍馬貫陣賊敗退山腰復憑高反鬪傅先宗  
督總兵魏紹珍副將朱運廣參將李枝宏等一鼓衝上  
馬隊分由山徑併力抄截賊四顧皆官兵奪路狂竄各  
營躡追二十餘里迫墜崖壑而斃者以數百計餘逆越  
嶺南遁兩戰計共斃賊一千八九百名生擒賊目麻耀  
庭等一百三十七名奪馬械無算弁勇陣亡者八名受

傷者三十七名此五月初二初四等日傳先宗各軍擊賊於鞏昌屬之丁家門新寺鎮等處兩獲大捷之情形也提督楊世俊總兵田連考馬步由秦州出伏羌本爲鞏昌策應之兵初七日賊踰甯遠界竄伏羌西南八十里之禮辛鎮初八日楊世俊率所部馳抵禮辛賊又已竄甯遠屬之樂善鎮柏家山大石頭廖家莊等處楊世俊分途追之初十日辰刻始與賊遇賊列隊分拒官軍鎗礮矛刺斃悍賊十數名賊且却且前提督張仲春總兵裴思朝游擊馬有才率各旂馬隊併力衝壓直至謝

家莊大草川斬馘二百餘名生擒三十餘名奪其驛馬  
器械賊眾敗竄遠屬之余家壩杆大馬蹄大寶嘴場  
家河一帶十五日楊世俊商同提督李奉清田連考選  
銳卒分途搜剿自率馬隊出李家溝門賊瞥見官軍旅  
幟復向禮縣屬之馬塢狂奔適李奉清隊伍自大馬蹄  
追出與楊世俊田連考之兵合擊賊於草塘河緊蹙至  
岷州東北界之狼渡灘呂徑河沿途斬悍賊數十名賊  
棄糧資輜重復向鹽關遁去適周開錫所派宗岳軍副  
將管春林等先至鹽關據險以待十七日賊至管春林

等急起截之殲賊數百官軍弁勇亦微有傷亡此五月初十至十七等日楊世俊田連考李奉清管春林馬步擊賊於甯遠禮縣等處獲勝之情形也據逆目馬轄比馬生兒等供河回馬俊馬耀廷馬六十及叛附狄河之鞏昌逆回馬一麻張二司務鹽關逆回馬元等六七千眾分爲大小四股本圖由鞏昌甯遠禮縣走徽成擾甘南腹地牽綴官軍寇三馬原大師等約隨後踵至不意連受痛創馬俊馬耀廷初四斃於甯遠下川馬元墜崖不知下落初十日馬一麻又斃於陣餘眾迭經官軍擊

散冒死西遁不復成敗自此伏羌甯遠隴西禮縣地方  
一律肅清傅先宗遂合王得勝彭忠國何建威馬步二  
十二營折轉鞏昌鼓行而西兵抵首陽城訥逆眾千餘  
踞渭源城陝回與狄河各回正因爭糧私鬪聞官軍至  
惶懼思竄十九日傅先宗等馬步收復渭源縣城乘勝  
奪一桿旂之險就地築壘一桿旂地方距渭源十五里  
距狄道百里形勢險要爲西南一大關鍵周開錫比令  
梅開泰分營扼之檄傅先宗率諸軍一意進攻自督楊  
世俊田連考之兵進鞏昌以備策應飭宗岳六營仍駐



秦州六月初三日傅先宗等整齊隊伍趨慶平踰窖店  
前行四五里遇伏賊數百擊之擒斬多名初二日傅先  
宗王得勝何建威彭忠國等分三路進遇賊首六阿渾  
禹得彥等憤戰之賊數千大戰於狄東三十里堡斬悍  
賊數百生擒二十餘名沿途賊卡悉數平毀初三日各  
軍敗賊於狄城三里乘勝直薄城下王得勝帶隊衝入  
北門傅先宗帶隊衝入東門巷戰逾時賊由西門狂竄  
越洮河而西官軍蹙之河邊刺斃溺斃無數牢佛諦守  
堡之賊數百見官軍已拔狄道州城震駭之餘開門乞

撫傅先宗等磨兵亟進賊敗入堡中官軍躡之立復牟  
佛諦堅堡餘賊走水逃竄此傅先宗等各軍連日進攻  
迭獲大捷克復渭源狄道兩城并牟佛諦堅堡之大略  
情形也竊維甘肅各軍乘崔禹李米諸逆竄陝敗歸截  
剿迭勝復乘勝長驅連復渭源狄道城池平諸卡寨機  
勢尙爲迅利牟佛諦卽陝回馬榮別名所踞北莊在狄  
道州城東南三里樓堞高聳崇墉屹立前此雖克州城  
而北莊未能攻拔致爲屬階此次一攻卽下固非始願  
所及也以局勢論之宜長驅並進規復河州惟自秦州

迤西而鞏昌而狄道四百餘里中間渭源屬境二百餘里彌望蒿萊人烟斷絕大軍前進後路須節節設防以護通道防兵多則進剿之兵少察看河州賊勢未可虛弦下之非俟北路甯靈肅清由蘭州出兵難期得手論兵勢須防後路通饟運論賊情須斷勾結取遠勢未可重剿輕防致有疎失也此次出力將領應懇

恩施以示激勵記名提督涼州鎮總兵傅先宗曉暢戎機身先士卒可否請

旨破格獎敘以勵戎行花翎儘先補用守備何運威奮

勇爭先戰功卓著可否以游擊留甘補用記名提督河  
州鎮總兵王得勝記名提督彭忠國可否請

旨交部議敘其餘尤爲出力將士可否彙案保獎之處  
出自

天恩謹據實馳陳伏乞

皇太后

皇上聖鑒訓示施行謹

奏同治九年七月十八日

請將敖天印暫行留營效力片

再臣同治九年五月初八日欽奉

上諭敖天印慘殺多命虛寔均應根究卽著左宗棠查明該革員在軍營是否得力如非必不可少之員卽行解赴河南交李鶴年審訊懲辦等因欽此復於七月初九日准都察院咨同前因臣查已革副將敖天印本穆圖善原派甘南帶勇之員上年冬臣奏派周開錫馳赴秦州總統南路諸軍核寔歸併以節虛糜維時敖天印所部十營周開錫按名點驗令併成尚義三營外留步隊二百名馬隊四十騎勇丁中有梗令不遵者敖天印

手刃七名眾情帖服嗣派防馬營監紅土審偵緝游匪  
均資得力本年春夏之交陝回崔三禹得彥挾河回東  
犯敖天印合記名提督楊世俊馬步截賊於紅土審華  
家嶺李家店等處連獲大捷擒斬甚夥均經臣隨時馳  
報現在南路官軍以次克復渭源狄道兩城周開錫復  
派敖天印各營分駐渭源安定隴西交界之大寨保護  
前敵糧運兼顧安定通渭腹地當此軍務甫經得手防  
剿喫緊之時敖天印在甘南帶兵尚屬得力所部各營  
一時乏員接帶可否暫准留營效力之處出自

聖裁謹附片馳陳伏乞

聖鑒訓示施行謹

奏

同治九年七月十八日

同治九年七月二十六日內閣奉

上諭左宗棠穆圖善等奏南路官軍克復城堡請將出力員弁獎勵一摺陝回及河狄回匪於本年四月間糾黨竄出渭源紛擾鞏秦各境意圖牽綴官軍經周開錕派撥兵勇分路攻擊捉督傅先宗楊世俊等於鞏昌甯遠禮縣等境迭獲勝仗斃匪甚多並將著名悍回殲絕

次第收復渭源狄道兩城並牟佛諦賊壘勦辦尚爲得手在事出力之提督傅先宗著交部從優議敘守備何建威著以遊擊留於甘肅補用提督王得勝彭忠國均著交部議敘其餘出力員弁著左宗棠等擇尤彙案保獎該部知道欽此

軍機大臣 字寄同治九年七月二十六日奉

上諭左宗棠穆圖善奏南路官軍克復城堡出力請獎左宗棠奏北中兩路官軍勦賊疊勝現籌會攻金積老巢各一摺已明降諭旨將南路出力各員分別獎勵矣



甘肅南路官軍克復渭源狄道城池並攻拔牟佛諦堡堡正可乘此聲勢進規河州左宗棠等以自秦州至狄道計程四百餘里中隔渭源等處一片荒蕪必須節節設防保護運道方能前進察看河州賊勢應俟甯靈肅清由蘭州出兵方能得手固係持重之見現在北路各軍已將靈州一帶賊寨攻破多處軍務自有起色則進剿河州之兵此時卽當妥爲部署著左宗棠穆圖善悉心商酌以期迅掃賊氛靈州迤西至金積堡僅存賊堡十一處王楊等逆伏誅賊眾無糧可據勢已窮蹙著左

宗棠飭令劉錦棠等迅將胡家堡等處攻拔盡殲醜類  
中路官軍迭克馬家河灣韋州堡等處金積堡南路關  
鍵已爲我得左宗棠務當檄飭黃鼎會同雷正綰總統  
中路諸軍先將峽口要隘奪回次第剿平金積迤西各  
堡寨並與劉錦棠等約期會剿迅克金積等堅巢以振  
全局毋稍鬆懈攻克堡寨出力各員著左宗棠彙案請  
獎陣亡之副將汪有餘遊擊賀隆春潘祖勝楊景岱孫  
玉貴遊擊銜都司劉維美都司張光華黃聞禮姜兌友  
藍翎千總宋得元千總王學成孫九齡羅金榜藍翎把

總宋雲書謝得祿把總丁有元吳仁長羅澤安李保懷  
張學成藍翎外委孫廷玉魏南華均著交部照所保官  
階從優議卹前有旨令李鴻章督兵馳赴近畿業據該  
督奏報起程並據奏稱北山土匪潰勇巨股已殲餘匪  
不至爲患已咨商蔣志章酌派三五營分紮要隘等語  
北山事甫就緒李鴻章近已離陝左宗棠仍當妥籌兼  
顧毋令甘回折鼠陝疆又致勾結爲患左宗棠另片奏  
請將敖天印暫准留營等語敖天印在南路帶兵既尚  
得力一時乏員接帶准其暫行留營效力該大臣卽咨

行李僞年查照可也將此由六百里各諭令知之欽此  
收撫回民安插耕墾片

再辦回之道與辦髮逆捻逆不同髮逆薙髮捻逆拋棄  
馬械卽與平民無殊故戰勝受撫給以免死牌票資遣  
歸家如其措置得宜便可相安無事其無家可歸及悍  
爲不馴者或暫羈之營中鈐以軍令編管既密久亦相  
忘解散之策行則賊勢孤安插之地多則賊羣渙此辦  
髮逆捻逆必由之道也回則不然其與漢民積仇既深  
婚姻不同氣類各別彼此相見輒起殺機斷難手洽又

種族攸分狀貌亦異雜一同民於稠衆中令士人徧識  
必能認別百不一爽同民中豈絕無稍知順逆亟思自  
拔來歸者然久處賊巢既苦頭目之侵陵迫脅甫離巢  
穴又畏漢民之報復尋仇當死生莫卜之時靡不依違  
其間以求苟免此解散之難也以陝回人數計之從前  
無事時散處各州縣地方丁口奚啻數十萬見計除西  
安城中土著兩三萬外餘則盡族而行陝西別無花門  
遺種卽合金積河狄西南涼州等處見牒陝回計之丁  
口亦不過數萬其死於兵戈疾疫飢餓者蓋十之九實

回族千數百年未有浩劫區區遺種既無歸陝之望就  
甘地安插而甘民痛定思痛又不免他族偏處之虞此  
安插之難也梟奉

諭旨不論漢回祇論良莠

仁育義正之懷昭然若揭回民亦具人心豈獨毫不知  
感無如仇衅四結每苦無處求生莫知禍之所屆臣維  
解散安撫實辦回不可少之著因於經理屯墾之餘劃  
出荒絕地畝稍成片段者以處求撫之陝回見在乎涼  
大岔溝等處收撫陝回老弱婦女及務農丁壯約數千

人均給以賑糧籽種課其耕種與賑撫各屬災黎招輯屯墾一律辦理以廣

皇仁所有辦理情形謹附片陳明伏乞

聖鑒訓示謹

奏

同治九年七月十八日

同治九年七月二十六日內閣奉

上諭左宗棠奏收撫回眾現籌安插等語陝甘回匪煽亂以來迭經官軍剿辦殲戮甚多朝廷軫念民生屢諭統兵大臣但分良莠不分漢回原以回民同係食毛踐

士之人豈無天良其中被偏勉從不能自拔者自必不  
少大兵所至期於除暴安良斷無概行誅戮之理據左  
宗棠奏稱該回原等久處賊巢既苦頭目之侵凌迫脅  
甫離巢穴又畏漢民之報復尋仇因之依違其間以求  
苟免此等情形實所不免該督現擬劃出荒絕地畝稍  
成片段者將收撫之陝回給以籽糧課其耕作辦理甚  
爲妥協著卽督飭該地方官悉心經理彈壓撫綏俾得  
各安生業其甘回中如有真心悔罪自拔來歸者亦卽  
妥籌安插並著剴切曉諭漢回居民務各永泯猜嫌同



登衽席用示朝廷覆幬無私至意欽此

洮州等處官軍連勝片

再洮州岷州毗連河狄偏近賊巢均須重兵防剿局開  
錫原派扼防岷州之總兵范銘一軍本分駐秀石關酒  
店于木寨嶺等處五月初四日丁家門新寺鎮竄賊經  
傳先宗各軍擊敗之後零股由喇嘛口竄酒店于繞木  
寨嶺之後范銘誦賊信整隊迎擊分馬步從間道包抄  
初六日鄧桂舟陸喜福所部遇賊於木寨嶺殺斃首餘  
名迫而淹諸漳河者數十名生擒十二名騎賊五六百

毒業木城包含口竄攢都溝初七日趙順陶達德隊伍  
攔截之鏖戰兩時陣斬八九十名生擒二名敗賊遁秀  
石關覓歸路范銘復麾徐成霖各營循三岔東山鐵鼓  
溝躡賊初入九日出大車廠接斬而西連日斃賊二百  
數十名生擒河州賊目阿洪議布訥隨身搜獲洋鎗四  
桿奪騾馬數十頭弁勇帶傷十六名此五月初六至初  
九日范銘一軍剿賊獲勝之情形也餘賊受創歸巢復  
族悍黨犯洮州嘯聚衆麻維時周開錫正派副將張廷  
秀洮州土司楊元設卡於大草灘遏賊南竄十九日偵

賊至比卽知會署洮州同知張家相護理洮岷協副將游擊丁永安加派守備楊宗秀把總高世佐經制許發得等率領番漢兵團密布要隘賊至伏發殺斃百餘名追至線家灘敗賊西竄奪其牲畜器械甚夥兵團陣亡八名受傷八名此五月十九日洮州兵團剿賊復勝之情形也謹附片馳陳伏乞

聖鑒訓示謹

奏 同治九年七月十八日

軍機大臣奉

旨知道了欽此

陳湜到營委總理營務片

再已革布政使銜前山西臬司陳湜奉

旨赴臣軍差委效力贖罪臣於今正札調選募勇丁五

營長夫千名帶赴平涼助剿陳湜成營時適奉湖南撫

臣委辦土匪事畢啟行前來臣點驗勇丁長夫均極樸

健堪期得力見飭陳湜總理臣軍營務以資臂助謹附

片陳明伏乞

聖鑒謹

奏  
同治九年七月十八日

北路官軍連克寨堡大獲勝仗摺

奏爲北路官軍攻剿逆回連克寨堡大獲勝仗恭摺馳

陳仰祈

聖鑒事竊北路各軍六月二十三日以前戰狀臣已於

七月十八日陳奏續據劉錦棠黃萬友稟金積正北蔡  
家橋在秦渠之東春間賊設卡於橋西半里許迤西而  
北逾東南爲長堤堤外引秦渠馬連渠之水爲壕環之  
官軍非奪蔡橋水口不能逕薄金積也六月二十八日  
會同金迎昌馬步越秦渠列陣分兵扼蔡橋水口立營

正部署間金積秦壩聚圍各寨賊傾巢而出官軍前隊  
屹立待戰後隊趕緊脩壘午後賊爭水口益力劉錦棠  
令何作霖蕭章開譚拔萃等步隊悉銳向賊寨猛進提  
督余虎恩熊有常周雲祥譚上連副將郭宗儀等馬隊  
橫截而出敗賊納縮入寨官軍壓迫至金積西北寨根  
而還日晡壘成分營駐之蔡橋水口既得可以扼秦渠  
之要而沿濠賊卡尚多七月初四日三鼓劉錦棠潛師  
夜起令軍士攜草束衝過賊卡越壕而壘行抵賊壕卡  
賊驚覺拚死拒敵官軍擲草填壕而過就地築壘分馬

步兩支左右抄出護砌礮台適金積東南各堡角聲四  
起賊黨分布寨邊搦戰迫漸集漸眾官軍始分數路突  
起衝殺敗賊向金積東關鼠遁其敗走不速及悞入官  
軍陣中者悉就戮焉初五日黎明賊仍蜂出瞥見金運  
昌所部出隊恐截其後乃縮入寨中官軍會合踏毀長  
壕數十丈分營駐壕內而還兩戰劉錦棠一軍斃賊約  
六七百名并勇陣亡七名受傷三十六名此六月二十  
八日七月初四五日湘卓兩軍奪蔡橋水口越賊濠立  
營連獲勝仗寔在情形也劉錦棠察看形勢毗連蔡橋



之棗園堡迤西有小何家寨東爲蔡家寨皆濱大河可  
急攻而下初七日約金運昌馬步各攜攻具前往甫抵  
蔡寨之北棗園金積援賊厲至劉錦棠令馬隊抄過何  
家寨北拊賊之背軍功黃福祥張俊李雙良等當左路  
何作霖蕭章開陶定昇王承贊等當右路自率提督易  
致中譚拔萃周國勝喻執益步軍直薄寨下合馬隊併  
力夾攻適余虎恩等已挑驍卒先登步軍繼之冒磚石  
揮鋤掘堡脚一鼓拔之蔡家寨賊見鄰寨已破慌向大  
何家寨遁走到劉錦棠縱馬抄殺一面督步軍乘機奪寨

門而入斬逆目何登榜及賊眾五百餘聚園金積援賊  
見兩寨齊破鼠竄而遁是役奪牛羊馬匹百數十頭鎗  
礮刀矛三百餘件劉錦棠一軍陣亡十一名受傷五十  
三名此七月初七日湘卓兩軍攻克小何家寨蔡家寨  
擊退援賊獲勝實在情形也逆首馬化澂以蔡橋旣失  
小何家寨蔡家寨又經攻克畏官軍逼攻愈緊復於卡  
西築堤潛水旁溢以阻官軍劉錦棠約金運昌急勦之  
初八日黎明官軍馬步向蔡橋進發金積秦壩園各  
堡之賊排列堡前及秦渠迤北金運昌率隊循渠堰而

進劉錦棠率隊一列渠南一列渠北騎賊已抄過北面之右步賊繼至副都統雙壽余虎恩等躍馬斫陣立斬騎賊多名各路馬步一齊猛撲賊且卻目前鏖戰兩時官軍銳氣百倍馬步賊大敗狂奔而西官軍從各寨礮石中躡蹤猛追刺斃轟斃之賊無數初十日會剿秦圍堡北之麥襲攻周家寨寨垂破矣忽金積秦壩大股悍賊來援劉錦棠金運昌麾軍擊之擒斬三百餘收隊而還十二日五鼓踰永甯洞泊秦渠而下攻王洪寨金運昌列隊寨西劉錦棠列隊寨南雙壽馬隊伏寨東廢堡

官軍施開花礮子連落寨內馬步賊千數百齊出東門與雙壽相持分股繞寨北而西抗拒金運昌軍金運昌令軍士向西南佯敗誘賊一面約劉錦棠派隊抄擊之賊果出隊遠追距寨約四里許劉錦棠分遣馬步橫出截賊爲兩金運昌轉旗突擊賊之屁股沿寨腳遁入北門前股三百餘名無一脫者維時雙壽正牽制東面之賊劉錦棠益以陶定昇等步隊斃賊亦夥總計初八初十十二等日共斃賊一千三百餘名生擒三十七名奪戰馬五十六匹鎗械四百餘件十二日之戰據賊供王

洪寨首逆王鵬已經官軍矛刺墜斬伏誅矣各戰劉錦棠一軍并勇陣亡二十七名受傷一百六十名此北路官軍連日攻剿卡寨獲勝實在情形也自賊復築隄於蔡橋卡西官軍隨時疏濬而積潦縱橫仍礙馳驟十三日辰後劉錦棠金運昌會商各營既搶過賊濠應扼紫賊隄逼水反灌遂傳令步軍由東南兜水進隊立營金運昌率所部進左劉錦棠進右布置甫定賊沿途開鎗抗拒劉錦棠令各路隊伍奮威衝殺賊眾望風先潰官軍上隄卽砌礮台一面分隊嚴陣以待金積素壩各賊

果傾巢而出金運昌率所部當左路劉錦棠率所部當  
中右兩路待賊撲近以鎗礮測準輪轟回眾敗而復前  
者十數次悍黨中鎗斃者已不可勝數矣尙排隊遙相  
牽綴劉錦棠金運昌催三成隊併力脩壘餘仍列隊如  
故薄暮賊復糾大股悍黨逼何作霖蕭章開陣前索戰  
各營奮威壓剿直薄金積卡前敗賊拋械滿地奪路鼠  
竄是役斃賊以千數百計拾旗幟鎗械無算生擒三十  
餘名據賊供是日馬化澂喊陝回余彥祿陳林馬老五  
馬長順馬必政沙學賢馬政國各選悍賊與官軍決死

戰圖奪回長隄不料連戰連敗也訊畢斬之四日壘成就隄決水反灌金積西北該回復築隄禦之十六七兩日劉錦棠合雙壽隊伍割棗園迤西麥苗零股賊黨護救官軍均有擒斬連日之戰劉錦棠一軍弁勇陣亡三十九名受傷一百零九名此七月十三至十七等日北路官軍搶越賊隄立營連日剿敗逆回大獲勝仗寔在情形也金積東南爲馬連渠從前誤呼爲波浪渠渠上新築三壘馬化滌派僞參領金嶺踞其中與官軍板橋營壘相抗二十二日五鼓劉錦棠率步隊六營徑搗其

中一壘預合陶定昇易致中伏壯士於壘前高粱叢中  
黎明賊開壁飲牲畜伏起壯士奪門殺入劉錦棠麾大  
隊隨後擁進羣賊驚起持械死鬪軍士短兵相接斃賊  
數百餘黨紛紛墜牆而下經副將趙彩照邀截狂奔左  
壘其越牆不及之賊二百餘名聚而殲之賊壘中搜出  
七月七日馬化澂僞檄喉僞協領何生州僞參領馬兆  
圖金嶺等助逆目王鵬力抗官軍者也據擒賊供金嶺  
喉黨抗拒官軍已中鎗死馬兆圖卽馬人條之子並陝  
回頭目馬長春初八日蔡橋之戰均斃於陣矣劉錦棠



以中壘既克乘勝攻左右兩壘而金積各堡援賊大至  
遂約金運昌合隊攻壘加調馬步隊伍擊援賊追騎賊  
從東面抄來官軍正持滿而發銳不可當騎賊敗退步  
賊復衝近左壘合勢穩抗維時金運昌之兵適破右壘  
士氣益盛劉錦棠合各路乘機撲左壘而馬步援賊復  
傍壘死抗雙壽余虎恩等縱馬衝突步軍繼之當者辟  
易援賊雖敗壘賊猶穩拒不動官軍截其去路一面整  
隊小憩調開花礮環攻炸彈轟入壘中壘賊始亂各營  
併力撲上克之乘勝進馬連渠之李花橋距金積東南

正南一二里將大小賊卡十一所槩行踏毀餘賊有奔  
向西南中鴛堡者有奔向正東漢伯堡者日晡收隊卽  
紮賊壘曰是金積與中路王洪胡家各堡聲息不通河  
西通昌通貴賊糧亦斷矣二十四日劉錦棠增立營壘  
於金積堡正東里許分馬步數路準備剿賊賊眾擁出  
堡外見官軍按隊勿動馬步賊漸前放鎗呐喊中軍鼓  
聲起各路官軍衝入賊陣賊卽潰敗復併聚東門外卡  
開礮抗拒相持至初更新壘已成賊亦縮退連日之戰  
斃陝甘逆回約千四五百名奪牲畜鎗礮刀矛甚夥訊

之生賊知逆目何標馬允吉均於十二日破壘時伏誅  
矣各戰劉錦棠一軍并丁陣亡二十七名受傷一百二  
十一名此七月二十二三四日北路官軍連破賊壘擒  
斬逆首剿賊獲勝實在情形也二十五日已刻金積東  
南賊眾忽向西趨劉錦棠擒生賊訊知中路雷正綰黃  
鼎徐文秀諸軍已奪硤口之險馬化慄方喊賊眾往援  
劉錦棠令步軍列金積堡東分支沿馬連渠攻李花橋  
迤西賊寨馬隊越馬連渠向中鶩堡抄擊金積堡出步  
賊七八百搶入李花橋前寨助守礮石雨注申初西面

塵氛大起劉錦棠料賊眾自西敗歸撤攻堡隊伍截之殺傷甚夥二十六日劉錦棠督隊收中鵞堡一帶禾稼午後回營該堡回黨數百跟隊放鎗雙壽余虎恩等返旆掩殺小有擒斬二十七八日出隊割漢伯堡之麥二十九日出棗園堡迤西何家坪割麥申初金積馬賊出巢救護劉錦棠麾軍擊之斃賊數十名而奪其馬自二十五至二十九日各戰轟斃殺斃之賊六七百名生擒十五名劉錦棠一軍弁勇陣亡八名受傷九十三名此北路各軍連日攻擄賊寨剿賊獲勝實在情形也二十

五日李花橋之戰補用副將趙彩照督隊衝鋒躡賊至  
金積濠邊手刃悍賊數名忽額顱中大礮子登時殞命  
趙彩照自隨征吳忠金積以來戰績懋著疊膺重傷本  
應從優請

獎此次裹創血戰中礮捐軀深堪憫惜應懇

天恩飭部照總兵陣亡例議給

卹典其餘力戰陣亡之參將張祖耀戴凌雲游擊銜都  
司卿王文都司夏連陞劉成王斌都司銜守備朱明通  
凌玉和守備沈致祥守備銜千總舒太喜把總鮑義昌

李復勝何信節謝恆萬鄒雲勝外委陳官陞均應仰懇  
天恩飭部照所保官階從優議  
卹以慰忠魂謹據實馳陳伏乞

皇太后

皇上聖鑒訓示施行謹

奏  
同治九年八月二十四日

中路官軍奪取峽口大勝摺

奏爲中路官軍攻剿逆回奪取峽口並攻克堅堡擒斬  
要逆大獲勝仗恭摺馳陳仰祈

聖鑒事竊

臣

前檄中路諸軍交黃鼎會同雷正綰總統

於四百戶取齊出何家堡合規峽口七月初四日雷正綰黃鼎調馬化澂偽領員袁希義綽號皮英者率悍賊先入張恩堡扼險以抗官軍是夜各派馬步潛起襲之仍留兵守何家堡防滾泉旁溢之賊初五日黎明官軍抵張恩堡賊驚覺憑壘拒敵提督徐占彪閻定邦等率隊猛攻拔花籬越重塹搶入外堡斃賊數十餘賊爭入堡中并焚積薪於堡門誓以死守礮石如雨官軍環攻半日未下中刻金積援賊蜂至雷正綰黃鼎分兵截擊

於牛頭山合力攻堡植木爲梯冒磚石猱升而上守賊  
憑堙斫刺壯士登而復墜者再比令各營環濠築壘選  
健卒於寨旁掘地道攻之初六日五鼓地道將成悍賊  
二百餘開壁突圍出官軍遮其出路鎗戟刺賊屍遍  
地生擒四十餘名立斬於陣乘勢搶入堡內搜斬堡賊  
淨盡當賊眾突圍時賊目袁希義率悍騎數名奪路狂  
奔提督徐占彪急督千總張永興張占彪躡里許生擒  
之據供張恩堡本馬化澂先鋒袁希孟所踞袁希孟調  
歸金積馬化澂聞中路進兵急喚袁希義領死黨據守



以固金積峽口藩籬不料官軍大至晝夜環攻不息堡陷就擒也臣維去冬雷正綰等進兵張恩堡先克東面依崖兩堡袁希孟怖駭比率西面堡眾繳械乞降雷正綰受之本年袁希孟復助馬化澂爲逆河南北遭其蹂躪此次袁希義授首居民聚觀如堵同聲稱快是役官軍弁勇微有傷亡此七月初五六日雷正綰黃鼎各軍攻破張恩堡擒斬要逆殄除餘黨大獲勝仗實在情形也張恩堡既克可圖峽口臣前令提督陳廣發參將馮南斌由四百戶渡河而西扼峽口北岸以收夾擊之效

初十日提督陳廣發等詞回騎越河西劫糧整隊出廣武截賊入塔廟渡口殺斃淹斃數十名獲其輜糧餘賊有奪船搶渡者有越山狂奔者官軍僅受傷六名而已嗣是兵扼河西而峽口之賊從龍王廟渡入塔往來納家間王家疇各回堡之路以斷雷正綰等布置後路防務應隊進牛頭山逼峽口而壘維時臣檄調之廣東高州鎮總兵徐文秀各營亦先後踵至會師牛頭山賊見官軍雲集連日堅壁不出意在恃險死守二十二日黃鼎約陳廣發馮商斌兵進唐渠口令各軍從牛頭山進

其時馮南斌等偵得股逆賊劫糧廣武歸將乘夜出入塔倫渡峽口即伏兵入塔山溝以待二鼓逆眾絡繹而至伏起盡殲之擒生賊周閻兒楊長林據供隨同頭目馬四子自哈喇湖攜糧歸至此不料忽遇官軍馬四子已中礮落河而斃二十四日辰刻雷正綰黃鼎督攻峽口徐占彪隊伍甫近賊壘賊開壁迎敵徐占彪率總兵陳春萬參將朱蘭亭各營鏖戰正酣金積迤西各堡之賊絡繹來援黃鼎率提督黃有忠總兵何玉超黃虎臣陳攀仙趙興隆游擊李洪超李登高等扼牛頭山右截

之雷正紹徐文秀各軍爲策應併力將援賊擊敗轉旆  
剿峽口之賊賊敗退河岸陳廣發馮南斌列陣對河鎗  
礮排轟賊兩面受敵遁伏壘中徐占彪之兵躡殺入壘  
徐文秀率總兵蕭寶林游擊陳綸高繼之連破賊壘二  
座餘三壘爲雷正紹閻定邦各營所克殘賊東逸黃巢  
派隊截之無一漏網五壘悍賊千數百名盡斃刺斃淹  
斃淨盡生擒賊供逆目王大閑丁逢翔馬紀成均幾壘  
中矣是晚復有河西接濟賊糧逆回來入塔口呼渡尚  
不知峽口已爲官軍所奪也陳廣發馮南斌潛起掩之

盡獲其輜重二十五六七日金積各堡馬步賊數千復爭水口均經各軍擊敗擒斬千計自七月初十至二十七日斃悍賊二千餘奪戰馬駝騾糧食器械無算官軍奔勇傷亡百餘名此中路官軍奔峽口連克賊壘擒斬要逆痛剿援賊大獲勝仗實在情形也峽口既得秦漢馬連三渠之首皆爲官軍所據二十八九日金積馬步賊萬餘悉漢渠列隊古靈州城護常家灘丁家堡回眾於漢渠達秦渠之處築卡濬濠以抗雷正綰黃鼎會商必先奪古靈州城破賊寨卡而後可長驅逼金積西門

三十日徐文秀徐占彪越漢渠立營賊踰伏不出憑卡  
放鎗中刻壘成徐占彪帶勇士攜火器星夜襲賊卡破  
之乘勝搶入古靈州城賊狂號亂竄棄壘而奔八月初  
一日黎明馬賊緣山包裹而來步賊分股伏漢渠隄下  
大股排列渠岸雷正綰麾隊擊馬賊緣山右進徐文秀  
各營進中路擊步賊黃鼎率大支人馬橫列步賊之左  
分兵傍渠布陣防伏賊部署既定副將李廣珠游擊陳  
天壽都司熊祥麟躍馬突陣與馬賊相持總兵劉治均  
外委吳元璋張兩翼猛抄之賊敗而復前雷正綰正揮

刀督戰徐文秀隊伍一齊撲上馬賊不支沿途步賊蜂起挺矛直前黃鼎督徐占彪馮南斌等橫貫賊陣縱橫盪決賊大敗歸巢屍骸枕藉各軍薄暮收隊初二日官軍步隊伏古靈州乾渠一帶馬隊向賊濠外卡挑戰適駒賊百餘出巢掠陣雷正綰整隊壓剿而前忽遇大股悍賊從廢堡中衝出勢幾不支黃鼎徐文秀立督各營援應將賊擊追徐占彪復率隊從乾渠內繞賊之後兩面夾攻賊大潰初三日五鼓黃鼎令徐占彪選壯士直撲賊卡賊自夢中驚起倉皇狂遁官軍遂搶過賊濠守

濠之賊不敢抵拒爭入丁家堡官軍躡賊堡根卡內礮  
石雨注未能驟克徐占彪卽扼賊卡而營雷正綰列隊  
濠外用鎗礮更番仰轟徐文秀督游擊鄧增外委楊得  
高季勝忠施放後膛開花大礮炸彈飛落卡中當者立  
碎各營乘勢一躍而入盡殲卡中賊無一脫者堡賊猶  
憑牆排立以抗官軍黃鼎遣各營繞漢渠出秦渠中空  
之地築壘斷金積援徐文秀仍連開後膛大礮子穿牆  
而過堡中賊眾慌亂遂突圍而出將併趨金積堡雷正  
綰徐文秀僅隊從堡牆缺口躍入遇賊卽斫殺殺無遺



其先逸出之賊黃鼎預派徐占彪黃有忠朱蘭亭胡起雲等挺矛以待得跳免者十餘騎而已擒生賊常愷供本州靈州廩生同治二年陷入金積者馬化澁以丁家堡地形扼要喉逆子馬耀邦馬建邦等領悍賊駐守初二二等日兩戰悍目楊自得卽楊大娃子及關成丁永等均經官軍陣斬逆子馬耀邦等敗走洪樂堡初三日丁家堡破逆目丁一剛伏誅堡內開壁遁者逆孫馬連孝也初四日官軍乘全勝之勢分途攻剿連克金積西路漢渠內外五六里小堡二十餘座羣賊望風披靡官

軍徑逼洪樂堡未下徐文秀徐占彪所部作長圍困之黃鼎率馬步攻洪樂堡金積仍出悍賊應援官軍奮威衝殺斃賊極多日暮收隊連日各戰斃賊三千有奇生擒五十餘名奪旗幟刀矛二千餘件騾馬七八百頭大礮六尊各軍傷亡弁勇二百餘名初八日洪樂堡之戰黃鼎所部營官何玉超李洪超幫辦李全貴皆帶鎗衝蓋血戰矣此中路官軍進剿金積西路逆回連克卡壘擒斬要逆大獲勝仗實在情形也臣維中路此次進兵未及一月風馳電掣連破堡寨數十座直抵金積老巢

其得勢猶在峽口數戰此關一開賊在掌握非黃鼎堅  
持成算布置之詳赴機之速諸將士進攻之猛未易臻  
此現計金積西門外僅存者洪樂四堡馬家三堡丁家  
三堡臣現飭雷正綰黃鼎會同劉錦棠金運昌相機圖  
之據探報馬家堡亦經中路官軍於初八晚攻克殺賊  
甚夥獲賊糧數百石連日割刈金積西路秋稼殆盡各  
軍戰狀俟雷正綰黃鼎續報到營再行詳奏此次尤爲  
出力員弁兵勇可否由臣專案請  
獎以示鼓勵力戰捐軀之守備趙需廷千總焦金鳳應

懇

天恩飭部照所保官階從優議給  
卹典以慰忠魂謹據實馳陳伏乞

皇太后

皇上聖鑒訓示施行謹

奏

同治九年八月二十四日

軍機大臣

字寄同治九年九月初二日奉

上諭左宗棠奏北路官軍連克塞壘暨中路攻剿疊勝  
情形各一摺北路劉錦棠等各軍進逼金積老巢疊次

大獲勝仗奪取蔡橋水口越過賊濠立營乘勝攻克小  
何家寨蔡家寨等處賊巢大股援賊屢經擊敗踏毀金  
積附近賊卡十餘處官軍偏賊而營金積與王洪胡家  
各堡聲息不通河西通昌通貴賊糧亦斷正可乘此破  
竹之勢迅拔堅巢將馬化澂及著名各逆目悉數擒斬  
以竟全功中路雷正綰等各軍又將張恩堡峽口奪回  
連克金積西路各卡壘險要既得賊勢更蹙金積西門  
外僅存洪樂等數堡左宗棠已飭雷正綰黃鼎會同劉  
錦棠金運昌相機進剿自不難一律廓清現在中北兩

路官軍業已聲勢聯絡合力大舉事機極爲順利金積  
已成孤立斷難久支賊眾檻獸金魚諒不能再施詭計  
是在該大臣妥爲調度迅奏膚公以慰廑系北路力戰  
陣亡之副將趙彩照著照總兵陣亡例議卹參將張祖  
耀戴凌雲游擊銜都司卿玉文都司夏連陞劉成王斌  
都司銜守備朱明通凌玉和守備沈致祥守備銜千總  
舒太喜把總鮑護昌李復勝何信節謝恆萬鄒雲勝外  
委陳官陞均著照所保官階從優議卹至此次中路剿  
賊官軍尤爲出力員弁兵勇准由左宗棠專案保獎以

示鼓勵陣亡之守備趙竊廷干總焦金鳳均照所保官階從優議卹將此由六百里諭令知之欽此

請飭部議黔皖甘捐局分省辦理片

再臣謹准翰林院侍講學士袁保恆咨呈轉據江蘇湖北等省甘捐分局函稱黔皖兩省均委員在江楚收捐收數較甘捐各生購交本色米石價值輕減甘捐極爲減色河南山東兩省亦有皖員收捐一省設立數捐章程紛出捐生時懷觀望委員難免爭收應請奏歸部議另籌變通俾軍餉得有實濟臣維黔省餉源枯竭與甘

肅情形大畧相同其不能不藉助捐輸者勢也皖境久  
報肅清非隴黔可比卽度隴助剿亦僅卓勝一軍自可  
無須勸輸接濟且皖省既未設甘捐分局原留爲該省  
自行勸捐之地該省既收本省之捐若仍分收各省之  
捐則以助隴剿賊故分隴捐輸於隴少益而多損臣上  
年奏請在山東浙江二省添設甘捐時因未准署督臣  
穆圖善咨會致有重複當經戶部核議以穆圖善所設  
捐局之外再添一局非特事出兩歧且亦無此政體奏  
奉



諭旨由臣覆奏歸併辦理今黔皖兩省派員在江蘇湖北收捐河南山東亦有皖員在該省收捐委員各立門戶減值招徠甘捐分局勢向虛設不惟西征軍餉有妨恐黔皖捐輸亦虞鮮濟合無仰懇

天恩俯念西陲戰事孔殷軍食極形匱乏

飭下戶部察核何路餉項盈絀需用多寡緩急持平妥議何省應辦甘捐何省應辦黔捐皖捐使一省專辦一捐以免紛爭而杜流弊抑或仿照江西所設陝甘雲貴四省捐輸由江蘇湖北兩省督撫設立甘黔捐局各就

本省體察情形另議收數章程自行委員勸辦將甘黔  
皖捐局委員一律撤回所收捐項議明分成撥濟甘黔  
兩省之用皖省應否酌分亦議定

飭遵其河南山東等省皖捐應否停止抑或竟將何省  
專歸皖捐設局均無不可總之一省止辦一捐庶委員  
不致紛爭捐生無從取巧政體餉需均有裨益是否有  
當伏候

聖裁訓示施行謹附片具

奏

同治九年八月二十四日

軍機大臣奉

旨戶部議奏欽此